

Bishita Museo Arqueologico, Museo Historico y Schoenerhaven riba Dia di Betico



ORANJESTAD - Diamars dia 25 di Januari awor, Dia di Betico, Museo Arqueologico Nacional Aruba y Museo Historico Aruba lo habri nan salanan di exposicion gratuitamente. Riba e dia special aki pueblo di Aruba lo haya oportunidad di descubri e aventura den su historia rico. Alaves, publico por disfruta di e hungamento di boto miniatura na Schoenerhaven cual ta ser organisa pa Stichting Rancho riba nos dia di fiesta nacional.

Ambos Museo lo ta habri pa publico entre 10'or di mainta pa 2'or di merdia. Banda di su sala di exposicion permanente, Museo Arqueologico lo habri por ultimo biaha sala di exposicion temporario "Rancho, Nos Bario, Nos Museo, Tira un bista". Dos biaha riba e dia aki, esta pa 11.00'or di mainta y pa 1'or di merdia Stichting Rancho lo percura pa duna un guia di e exposicion "Rancho", sigui pa un guia cu ta sali na

Museo pa Schoenerhaven pa e hungamento di boto miniatura. Pa e guia aki cupo ta limita, dus sea na tempo.

Museo Historico Aruba na Fort Zoutman, cual ta keda den un distancia cortico di Museo Arqueologico, ta ofrece e bishitante un exposicion

tematico y chronologico di historia di Aruba cu ta sigui unda e exposicion permanente di Museo Arqueologico ta caba.

Na Museo Arqueologico, Stichting Rancho lo bende dushi pasa boca tipico y coy bebe, como tambe T-shirts y buki pa asina haci fundraising

pa nan fundacion. Tambe na Museo Historico bar lot a bon surti pa esnan cu kier cumpra un dushi cuminda y coi bebe. Museo Arqueologico, Museo Historico y Stichting Rancho ta invita henter pueblo pa, den un ambiente festivo, bin explora nos herencia den Oranjestad riba Dia di Betico!

